



Republika e Kosovës
Republika Kosova - Republic of Kosova
Komuna e Novobërdës
Opština Novo Brdo - Municipality of Novo Brdo

KUVENDI KOMUNAL-SKUPSTINA OPSTINE- MUNICIPAL ASSEMBLY

Anëtarit të Kuvendit Komunal të Novobërdës
Z/znj _____

Në bazë të dispozitave të nenit 43 pika 43.1 të Ligjit për Vetëqeverisjen Lokale si dhe në bazë dispozitave të nenit 36 të Statutit të Komunës së Novobërdës.

F T O J

Mbledhjen e tretë e rregullt e Kuvendit Komunal e cila do të mbahet më datë: **30.06.2020** (e martë) duke filluar në ora **10:00**.

R e n d i i d i t ë s

1. Aprovimi i procesverbalit nga mbledhja e kaluar e KK-se;
2. Aprovimi i Kornizes Afatmesme Buxhetore (KAB) 2021-2023;
3. Raport nga Komisioni Komunal i Emergjencës rreth menaxhimit të situatës së pandemis;
4. Të ndryshme.

Mbledhja do të mbahet në lokalet e K.K-së, së Novobërdës.

Më: 22.06.2020
Në: Novobërdë



Nebojsa Arsic
Kryesues i Kuvendit



Republika e Kosovës
Republika Kosova – Republic of Kosova
Komuna e Novobërdës
Opština Novo Brdo–Municipality of Novo Brdo

ZYRA E KUVENDIT/KANCELARIJA SKUPSTINE

PROCESVERBAL

Nga mbledhja e dytë Kuvendit të Komunës së Novobërdës e mbajtur më datë 27.02.2020, duke filluar në orën 10:00.

Në mbledhje kanë marrë pjesë: Kryesuesi Nebojsa Arsic, zv.Kryesuesi Ramush Mehmeti, anëtarët e Kuvendit: Dragana Dimic , Abdyl Gashi, Negovan Jovanovic, Selatin Nuhiu, Dobrivoje Djordjevic, Jorgovanka Filic, Zymer Zymeri, Jahi Zeqiri, Mirjana Simijonovic, Milica Jovanovic, Drejtori i Financave Sercan Todorovic, ZKKK Sami Vllasaliu, përfaqësuesi i OSBE-së dhe qytetarë.

Kryesuesi i Kuvendit Nebojsa Arsic pasi përshendeti të pranishmit tha: para se të fillojm me mbledhjen duhet konstatuar korumin prezent janë 12 antarë të Kuvendit nga 15 gjithësej, tre antarë mungojn me leje, kemi korum për punë dhe vendimarrje dhe po fillojm mbledhjen me këtë:

Rend dite

1. Aprovimi i procesverbalit nga mbledhja e kaluar e K.K-së;
2. Aprovimi i Raportit Financiar të tremujorit të katërt për periudhen kohore Tetor – Dhjetor 2019;
3. Raport nga DSHP rreth realizimit të rrugës dhe ujësjellësit në fshatin Stanishor;
4. Të ndryshme.

Kryesuesi i pyeti antarët e Kuvendit se a pajtoheni me këtë rend dite apo keni ndonjë propozim? Ramush Mehmeti pasi përshendeti të pranishmit tha: unë si zv.Kryesues jamë obligativ që të marrë pjesë edhe në mbledhje të komitetit për komunitete dhe në mbledhjen e fundit të komitetit kemi marr vendim që të propozohet edhe njëher plani aksional për riatdhesim, Kuvendi në mbledhjet e kaluar nuk i ka votuar këto plane për arsye se nuk kemi pasur listen e perfituesve, pasi që zyrtari Sami Vllasaliu ka marrë për obligim në komitet që të na dergoj listen në Kuvend dhe këtë list na ka derguar listen e qytetarëve perfitues dhe listen e qytetarëve të riatdhesuar, prandaj propozoj që për rend ditë të hy edhe kjo pikë, ju faleminderit.

Pasi nuk pati propozime tjera aprovohet rendi i ditës me 11 vota për, 1 apstenim me këtë pikë shtesë të propozuar: Aprovimi i planit për personat e riatdhesuar.

Pika e parë: Aprovimi i procesverbalit nga mbledhja e kaluar e K.K;

Kryesuesi tha: procesverballi në gjuhen serbe nuk ka arritur me kohë për arsye të problemeve teknike por në gjuhen shqipe e keni marrë me kohë, akeni ndonjë diskutim lidhur me procesverballin.

Pasi nuk pati vërejtje aprovohet procesverballi nga antarët prezent të Kuvendit me 10 vota dhe 2 apstenime.

Pika e dytë: Aprovimi i Raportit Financiar të tremujorit të katërt për periudhen kohore Tetor – Dhjetor 2019;

Kryesuesi për këtë pikë ja dha fjalën Drejtorit të financave Sercan Todorovic.

Sercan Todorovic pasi pershendeti të pranishmit tha: besoj se materialin e keni marrë me kohë, për këtë tremujor të hyrat gjithësej kanë qenë 40,560.57€ ku përfshihen të hyrat nga tatimi në pronë, nga regjistrimi i automjeteve dhe taksat komunale e të hyrat e tjera. Sa i perket shpenzimeve të mjeteve për paga dhe meditje kanë qenë të planifikuara 475,868.25€ ndërsa janë shpenzuar 474,418.87€ në përqindje 99.69%. Për mallra dhe shërbime dhe shërbime janë shpenzuar 95,216.83€, për shpenzime Komunale janë shpenzuar 11,465.35€, për subvencione janë shpenzuar 5,289.96€, për investime kapitale janë shpenzuar 371,267.70€. Në tabel i keni të paraqitur për secilen Drejtori veç e veç nese keni ndonjë pyetje urdhëroni, ju faleminderit.

Kryesuesi e hapi diskutimin për këtë pikë.

Ramush Mehmei tha: raporti në gjuhen shqipe dhe serbe ka dallim, në gjuhen shqipe mungojn dy faqet e para nuk e kemi tabelen e të hyrave. Në administrat i kemi paga 1400€ për kënd janë këto paga të kategoria mallra dhe shërbime si dhe shpenzime tjera të kontraktuara mbi 17.000€ çfarë shpenzime bëhet fjalë?. Obligativ jeni më ligj që çdo cent që shpenzohet në si Kuvend duhet ta dim, i kemi shpenzimet e Kryetarit dhe shpenzimet e Kryesuesit për çka janë këto shpenzime pasi që nuk janë të definuara për çka, 484.03€ janë shpenzimet e Kryetarit dhe 255.36€ janë shpenzimet e Kryesuesit. Në dallim nga raportet tjera këtu ceken edhe mjetet e shpenzuara për investime kapitale ku 12.580 janë investime të pa qarta se ku janë shpenzu këto mjete, nga permbaruesi privat janë marrë 9,176.18€ sa mjete janë marrë nga permbaruesi për shërbimin e vet pasi që kur janë terheq këto mjete kanë mujt me qenë 6000€ ndërsa të tjerat tatim nga permbaruesi dhe pyetja e fundit nga kodi i arsimit fillor janë terheq 2000€ petikesh më intereson ta di se ku kanë shkuar ato mjete për çka janë perdor?, ju faleminderit.

Sercan Todorovic tha: këto dy faqe që po mungojkan në gjuhen shqipe nuk e di arsien, mundet me qenë gabim teknik, keni pyetur për paga ato janë pagat që janë pagur punëtorët në qendren e regjistrimit të automjeteve, investimet kapitale mundë ti shihni në zyre të prokurimit se çka kemi paguar me ato mjete, skemi pasur kod të veçant dhe janë të regjistruar si mjete tjera, është lënda në zyre të prokurimit ata e kanë dërguar fakturen në vetem e kemi bërë pagesën, mjetet e marrura nga permbaruesi janë për pagat jubilarë na kanë padit punëtorët e arsimit, ky problem nuk është vetem në Komunën tonë por në të gjitha Komunitat, sa i perket peti-ceshit ju e dini se Kryetari i ka të drejt 5000€ si llogari rrjedhese dhe mundë ti merr ti shpenzoj dhe aty ka pas mjete aty i ka marr.

Ramush Mehmeti tha: te kodi për zhvillim ekonomik pershkrimet tjera janë shume mirë si ndertimi i rrugëve lokale, trotuari, kanalizimi, mirëmbajta e ndriqimit por mjetet tjera në vlerë prej 12,580.00€ kjo për herë të parë ka ndodh. Petikesh jo 2000€ por as 200€ nuk kanë të drejt të shpenzohen pa u ashytur se ku janë shpenzuar, nese thuhet se janë shpenzuar 200€ për bilet të autobusit në rregull e jo vetem janë terheq 2000€ petikesh e mos të dihet se ku janë shpenzuar.

Sercan Todorovic tha: sa i perket petikeshit Kryetari i bjen fakturat dhe në ato faktura i dergojm në thesar dhe është e caktuar se për çka ka të drejt të shpenzohet petikeshin, në nuk mundemi që çdo faktur ta shkruajm, petikeshin e arsyetojm në thesar.

Ramush Mehmeti tha: shpenzimet e Kryetarit çka janë këto shpenzime?, çka kanë shpenzuar?, shpenzimet e tjera janë cek të gjitha por këtu shkruajn vetem shpenzimet e Kryetarit dhe shpenzimet e Kryesuesit, ne duhet ditur se çka është shpenzuar.

Selatin Nuhui pasi pershendeti të pranishmit tha: ne në këtë mbledhje e kemi këtë raport financiar se ku po shpenzon Komuna dhe ky raport është gjysmak, raporti në gjuhen shqipe ne nuk e dim se sa ka pas të hyra, të investimet kapitale janë 371,267.70€ janë vetem në tremujorin e katërt, më intereson të di se a vetem në këtë tremujor ka pas investime kapitale apo ka pasur edhe më herët dhe pyetja tjetër për Drejtorin se a janë perfunduar të gjitha projektet që kanë kaluar në Kuvend, kanalizimi në fshatin Tullarë nuk është perfunduar në lagjen Zenaj që janë ndarë 6000€ si dhe në fshatin Llabjan të Migrosi që janë ndarë 4500€ me intereson të di se sa janë implementuar investimet kapitale?.

Sercan Todorovic tha: unë nuk di të perkthej, ne e kemi pregaditur në gjuhen serbe dhe e kemi dërguar për perkthim, e dyta unë këta numra nuk i shkruaj por sistemi i vendos edhe unë kam deshir që

shpenzimet të jenë më të vogla por ky është realiteti. Sa i perket projekteve aty ku sësht kryer sigurisht se nuk ka pasur mjete, ju skeni pas ekspert për projekte, keni catuar një shumë për një projekt si rruga në Makresh 20,000€ ndërsa projekti ka kushtuar 50,000€ dhe projektet realizohen në fund viti pasi që mjetet lëshohen prej Ministrisë në muajin Qershor e pastaj deri sa të fillohet dhe të perfundojn procedurat e tenderimit.

Mirjana Simijonovic pasi pershendeti të pranishmit tha: në këtë raport kemi shumë paqartësi, në sistem zyrtërt tuaj i fusin këto të dhëna dhe zyrtarët e din se ku janë shpenzuar këto mjete, permbaruesi po merr mjete çdo tre muaj, ju u deklaruat se nuk i keni planifikuar por nese këto paga jubilarë ju takojn më ligj është duhur ti planifikoni më kohë. Edhe në KPF-ë kemi diskutuar se Novobërda është Komuna më e varfër dhe ne jemi zgjedhur për ti mbrojtur interesat e qytetarëv. Nuk e di se a jeni serioz ndaj Kuvendit lidhur me informatat që na ofroni, ju faleminderit.

Sercan Todorovic tha: këtë problem me pagat jubilarë e kanë të gjitha Komunat, Ministria nuk ka lejuar këto mjete dhe unë sipas mundësive që kam ju jap të gjitha informatat që po i kerkoni.

Abdyl Gashi pasi pershendeti të pranishmit tha: më shumë Drejtori po duket si sherbyes civil i cili nuk po arrin me i kontrollu se cili zyrtar merret me shpenzime apo zyrtat që shpenzojn paran publike. Te shendetësia primare kemi derivate 2,559.53€ ndërsa mjete medicinale i kemi 735€ kur e dim se është vetem një vetur ambulant dhe është ne defekt, pyetja tjer është se a ka punëtor që gjenden në lista të pageve e nuk janë në vend të punës në arsim, shendetësi dhe mendoj se në si Kuvend është mirë të kerkojm listen e pagave për secilin digaster pasi që në të kaluaren kemi parë se ka në listen e pagave punëtor të cilët nuk punojn por marin paga duke qendruar në shtepit e tyre pa punuar fare.

Pasi nuk pati diskutime tjera me 4 vota për, 8 kunder (Nebojsa Arsic, Ramush Mehmeti, Selatin Nuhiu, Jahi zeqiri, Abdyl Gashi, Mirjana Simijonovic, Dragana Dimic, Milica Jovanovic) nuk aprovohet raporti financiar për tremujorin e katërt për vitin 2019.

Pika e tretë: Raport nga DSHP rreth realizimit të rrugës dhe ujësjellësit në fshatin Stanishor;

Kryesuesi tha: këto dy pika janë propozim nga Komiteti për Komunitete, Dobrivoje Djordjevic ka kerkuar nga D.SH.P që të raportoj rreth kësaj pike por siç duket nuk është prezent.

Dobrivoje Djordjevic pasi pershendeti të pranishmit tha: deshiroj të jap një vërejtje pasi që çdo herë që personat pergjegjës nuk po vin në mbledhje për të raportuar ne po i shtym këto pika, menodj se duhet të punohet një strategji që ti obligoj këta persona që të marrin pjesë. Ne protesten që kemi organizuar Kryetari ka premtuar se bashku me zv.Ministrin se kjo rrugë do të realizohet. Sa i perket ujësjellësit në fshatin Stanishor në nja takim që Kryetari ka qenë prezent vet na ka premtuar që do të zgjidhet pasi që nuk është larg nga Koretishta. Në këto mbledhje të Kuvendit nuk mundë të realizojm asgjë, Shefkija njëher ka thënë se ajo është rrugë regjionale dhe jo lokale atëher duhet ti drejtohem Kompanis pasi që asnjë kompani nuk po e mirëmban atë rrugë.

Kryesuesi tha: ne smund ta detyrojm askend të vij me dhunë, sa i perket rrugës po permendet se është rrugë regjionale dhe për këtë arsye nuk janë vendos shenjat për kufizim të shpejtësisë.

Dobrivoje Djordjevic tha: vetem një sygjërim në raport të punës së Kuvendit mundë ta cekni se ky person nuk ka punuar dhe nuk na ka respektuar ne si Kuvend.

Ramush Mehmeti tha: perfaqësuesi i OSBE-së është këtu na monitoron çdo herë dhe po shihet se ku është pengesa. Në bazë të Ligjit për Vetqeverisje Lokale Kryetari është obligativ që të raportoj në Kuvend ndërsa Kryetari yn nuk ka raportuar asnjëherë. Unë i thash edhe më herët Drejtorit të financave se në bazë të Ligjit për financat çdo cent të shpenzuar jeni obligativ ta raportoni e nuk mundë të shpenzoni shuma paushalle pa dhënë llogari. Te rruga në fshatin Stanishor në Drejtori të Sherbimeve Publike janë cek 51,000€ ndertimi i rrugëve lokale, mjetet janë shpenzu por a kan punuar diçka. Ne si Kuvend e kemi ndarë buxhetin aq sa kemi pasur mundësi por probelmi është se tjer kush është kompetent që ta shpenzoj atë buxhet. Unë mendoj që ne si Kuvend të ngrisim padi ndaj Kryetarit të Komunës, nese në këtë Kuvend është votu ndertimi i rrugës në fshatin Stanishor pse sështë ndertuar rruga, pagesat janë bërë ndërsa punët nuk janë kryer. Raporti i auditorit ka dal raporti më i keq në Kosovë.

Milica Jovanovic pasi pershendeti të pranishmit tha: vetem të nderlidhem me këto veshtersi në fshatin Stanishor, mendoj se këto protesta është duhur ti organizojnë këtu para Komunës dhe ti thirrini mediat.

Mirjana Simijonovic tha: sot në mbledhje kishte qenë mirë që të jenë të pranishëm më shumë qytetarë, edhe në fshatin Koretish të kemi pasur problem me ujësjellës, ashtu si e përmendu kolegu më herët Drejtore të Sherbimeve Publike ka qenë Shefkija por tash kush është?, sigurisht se qytetarët e fshatit Stanishor kanë dorzuar kërkesë dhe mendoj se ata duhet të vazhdojnë protestat, ti thirrini mediat dhe të shohin se në shek XXI nuk ka ujësjellës. Sa i përket rrugës kam qenë vet prezente dhe është premtuar se do të rregullohet ajo rrugë por ditët kalojnë dhe ende nuk është bërë asnjë zgjidhje, gjatë ditës kalojnë 100 kamion në atë vendbanim. Nuk e di se si është e mundur që në Komunën tonë ti kemi 9 gurthyes.

Kryesuesi kërkoj pauzë 5 min.

Pas pauzës 5 minuta vazhdoj mbledhja me diskutime.

Selatin Nuhui tha: e kuptoj shqetësimin e banorëve të fshatit Stanishor, ne si Kuvend po mundohemi me ju ndihmu me ju bë zgjidhje, ne kemi kërkuar një raport nga DSHP dhe nuk është hera e parë që kërkojmë raporte dhe nuk vinë që të raportojnë, kemi kërkuar raport nga Drejtoria e Arsimit por nuk na ka ofruar, kemi kërkuar raport nga Drejtoria e Kadatrit por nuk na ka ofruar, kemi kërkuar raport nga Kryetari i cili është obligativ që të raportoj dy herë në vit por nuk po janë përgjegjës ndaj Kuvendit. Sot është duhur të jetë në rend dite edhe raporti i DAK-ut për perfundimin e gjysemvjetorit të parë.

Dobrivoje Djordjevic tha: vetem tju falenderohem kolegëve që këtë problem të qytetarëve të fshatit Stanishor e kanë kuptuar seriozisht dhe po më përkrahin.

Kryesuesi tha: pasi nuk ka diskutime tjera kalojnë në pikën tjetër që e propozum për rend dite.

Pika e katërt: Aprovimi i planit aksional për personat e riatdhesuar.

Për këtë pikë Kryesuesi ja dha fjalën ZKKK Sami Vllasaliut.

Sami Vllasaliu pasi pershendeti të pranishmit tha: është hera e dytë që po e prezantoj këtë plan para jush, ky plan ka të bëjë me personat e riatdhesuar. Fillimisht kërkoj që ta bëni dallimin në mes të planit Komunal për kthim dhe planit Komunal për riatdhesim pasi që janë dy plane të ndara. Ky është plani për personat që kthehen prej vendeve të treta. Sa i përket numrit të këtyre personave ju kam derguar dhe e keni marrë me material edhe numrin e personave të regjistruar si dhe numrin e perfituesve. Po e cekim edhe njëherë se ky plan ka dalë nga Strategjia kombëtare për riatdhesim në nivel të vendit, kërkoj që ky plan të aprovohet për arsye se këtyre personave ju mundësohet dhënjë e një ndihmese siç është rregullimi i dokumentacioneve të ndryshme ndërsa aplikimi për projekte të ndryshme shkon përmes zyres komunale të punësimin, prej 82 personave që kemi të regjistruar në sistem si persona të riatdhesuar 8 persona kanë perfituar në vitin 2018 dhe 1 persona kanë perfituar në vitin 2019, nuk është edhe numri i vogël në Komunën tonë, ju faleminderit.

Kryesuesi e hapi diskutimin për këtë pikë.

Ramush Mehmeti tha: në seancën e para fundit kam kërkuar që ky plan të mos aprovohet pasi që nuk kemi pasur list të personave perfitues, problemi më i madhë në Komunën tonë është se nuk po raportohet jo vetëm për ndërtim të shtëpive por për shumë projekte, kërkoj nga të gjithë që ta përkrahin pasi që zyrtari na ka respektuar na ka derguar listen.

Dobrivoje Djordjevic tha: kam obligim të lajmërohem pasi që në komitetin për komunitete jam deklaruar se do ta përkrahim, e kam një pyetje pasi që disa persona që janë në list unë i njoh dhe kanë thënë se nuk kanë perfituar ndërsa në list e kanë emrin si perfitues, du ta di se a është e vertet kjo.

Sami Vllasaliu tha: me përgjegjësi të plot them se prej vitit 2017 kur kam marrë këtë detyrë se procesi rrjedhë kështu, personat që janë të kthyer sigurisht se kanë një dokument që kanë qendruar atje dhe nese ka qenë me familje sigurishte se në raport do të regjistrohet si familje dhe në bazë të dokumentacioneve në vendosim në sistem, i gjithë dokumentacioni skenohet dhe regjistrohet në sistem.

Pasi nuk pati diskutime tjera aprovohet kjo pikë njëzëri nga të gjithë antarët prezent të Kuvendit me 12 vota gjithësej dhe miret ky:

VENDIM

APROVOHET vendimi për planin komunal për riatdhesim.

Pika e pestë: Të ndryshme.

Kryesuesi e hapi diskutimin për këtë pikë.

Abdyl Gashi tha: po nderlidhem me një shqetësim të një banori të fshatit Pasjak i cili është i dëmtuar në vitin 2017 nga fatkeqësit natyrore, është një pjesë e buxhetit për material ndertimor andaj kerkoj nga Kryetari që t'ja ndaj një shumë sipas vlerësimit që ka bërë komisioni. Ai qytetar ka qenë disa herë në Komunë dhe ka kërkuar që të lirohet nga tatimi në pronë por një gjë e tillë është e pamundshme por ka mundësi që Kryetari tja bëjë kompenzimin nga ai fond i caktuar për material ndertimor dhe kerkoj që të hudhet në votim ky propozim.

Ramush Mehmeti tha: ky problem ka qenë i kahershëm dhe ka dëmtuar shumë banorë kjo fatkeqësi natyrore, pasi që nuk ka mundësi që të lirohet nga tatimi në pronë por ka mundësi që të ndihmohet me material kerkoj që ta votojmë këtë rekomandim që Kuvendi Komunal rekomandon Kryetarit që të ndihmohet ky qytetar nga kodi buxhetor material ndertimor, ju faleminderit.

Abdyl Gashi tha: për sqarim ky qytetar e ka emrin Shaban Behluli.

Kryesuesi tha: kush është që ne si Kuvend ti rekomandojmë Kryetarit që ta ndahet material ndertimor për Shaban Behlulin?

Me 10 vota për 2 apstenime nga antarët prezent të Kuvendit aprovetur ky:

S Y G J E R I M

I sygjerohet Kryetarit të Kshillit Egzekutiv z.Svetislav Ivanvicit, që qytetarit z.Shaban Behluli nga fshati Pasjak, Komuna e Novobërdës, ti ndahet / ndihmohet me Material Ndërtimorë në vlerën e caktuar nga Komisioni për vlersimin e dëmeve.

Kryesuesi tha: pasi që po afrohet festa e 8 marsit, këtë viti 8 marsi është në ditën e diel a keni ndonjë propozim se si ta festojmë?

Mirjana Simijonovic tha: 8 marsi është dita kur femnat kanë luftuar për të drejtat e tyre dhe kerkoj që të gjithë të jemi në një drek të përbashkët në ditën e premte.

Ramush Mehmeti tha: përveq drekes propozoj që të ndahet edhe nga një shumë prej 50€ për koleget dhe asistenten e Kuvendit, një dhuratë simbolike.

Zymer Zymeri pasi pershendeti të pranishmit tha: unë nuk e kuptova se ky propozim a është për të gjitha femrat në Komunën e Novobërdës apo vetëm për Kuvend?

Mirjana Simijonovic tha: vetëm për Kuvend.

Zymer Zymeri tha: unë e perkrahi Ramushin dhe jo ka 50€ por ka 100€ tju ndahen antareve të Kuvendit dhe asistentes.

Abdyl Gashi tha: kjo ide nuk është e mirë për arsye se ne mundë të dhëjmë propozime të ndryshme dhe një prej propozimeve që kisha dhënë është që të ndahet një shumë prej 500-1000€ e të shikojmë se qendra sociale nënat që jetojnë në gjendje të mjerueshme bashkarisht me asmblesitet tona ti vizitojmë dhe tju bëjmë dhuratë, nuk është kjo gjë e mirë që çdo mundësi që e kemi ta shfrytëzojmë për veti. Mos të dhëjmë shembull se të gjitha festat i shfrytëzojmë vetëm për veten tonë e nuk mendojmë asnjëherë për qytetarët e varfër.

Dobrivoje Djordjevic tha: nese e vendosni për të premtën unë nuk mundë të vij.

Ramush Mehmeti tha: lejohet një dhuratë për çdo festë i kemi 5 kolege dhe asistenten, nuk është shumë e madhe dhe kerkoj që të bihet vendimi në Kuvend që të jetë zyrtarë.

Kryesuesi tha: nuk e di a kemi të drejtë ti blejmë këto dhurata.

Procesverbali i Kuvendit

Ramush Mehmeti tha: kemi të drejt që Kuvend Komunal të marrë vendim për një drek solemne dhe për antaret e Kuvendit dhe asistenten të ndahet një shumë simbolike në vlerë 50€.

Jahi Zeqiri tha: unë propozoj pasi që jemi 15 antarë të Kuvendit 10 meshkuj e 5 fmenra ne meshkujt ti ndajm 300€ per koleget.

Pasi nuk pati diskutime tjera Kryesusi e hudhi në votim propozimin e Ramush Mehmetit për ndarje të dhuratave për festen e 8 marsit.

Me 7 vota për, 3 kunder aprovohet ky propozim dhe bihet ky:

VENDIM

Aprovohet vendimi për furnizim me dhurata për nder të 8. Marsit ditës ndërkombtare të gruas.


Ramush Mehmeti tha: në piken të ndryshme e kam edhe një propozim tjeter, nuk e di deri kur nuk do të rregullohet bina qe antarët e Kuvendit të dalin të folin, kemi buxhet dhe mundë të rregullohet dhe e dyta po dyshoj se nuk është duke e bërë monitorimin MAPL ndërsa është obligative që ta bëjë monitorimin e Kuvendit.

Pasi nuk pat diskutime tjera Kryesuesi i falenderoi të pranishmit për pjesëmarrje.

Mbledhja përfundoi në ora 11:40.

Valmire Mustafa

Procesmbajtëse



Nebojsa Arsic

Kryesues i Kuvendit

